

**ADDENDA AO CONVENIO DE COLABORACIÓN ENTRE A AXENCIA GALEGA DE
INNOVACIÓN E O CONCELLO DE SANTIAGO DE COMPOSTELA PARA O PROXECTO
SMARTIAGO**


En Santiago de Compostela, a 30 de novembro de 2020.

REUNIDOS

Dunha parte, D. FRANCISCO JOSÉ CONDE LÓPEZ, , Vicepresidente segundo e conselleiro de Economía, Empresa e Industria da Xunta de Galicia e Presidente da Axencia Galega de Innovación (en adiante GAIN), actuando no exercicio das competencias que ten atribuídas polo artigo 34 da Lei 1/1983, de 22 de febreiro, de normas reguladoras da Xunta e da súa Presidencia, modificada polas leis 11/1988, do 20 de outubro; 7/2002, do 27 de decembro; 2/2007, do 28 de marzo e 12/2007, do 27 de xullo e polo Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

E doutra parte, D. XOSÉ A. SÁNCHEZ BUGALLO, Alcalde-Presidente do Concello de Santiago de Compostela que tomou posesión do seu cargo na sesión plenaria constitutiva da corporación que tivo lugar o 15 de xuño de 2019, actuando no exercicio das competencias que ten atribuídas polo artigo 124.1. e 4.a) da Lei 7/1985, de 2 de abril, reguladora das bases do réxime local.

Interveñen en función dos seus respectivos cargos no exercicio das funcións que, para convir en nome das entidades que representan, teñen conferidas e



EXPOÑEN

PRIMEIRO

Que con data 26 de agosto de 2019, a Axencia Galega de Innovación (en diante, GAIN) e o Concello de Santiago de Compostela asinaron un convenio co obxecto de regular as condicións de colaboración entre as partes asinantes para o cofinanciamento da Fase de I+D do proxecto "*SMARTIAGO*" que se financia parcialmente con fondos do FEDER do Ministerio de Economía, Industria y Competitividad (agora, Ministerio de Ciencia e Innovación) segundo as obrigas establecidas na cláusula cuarta do convenio de colaboración entre ese Ministerio e o Concello de Santiago, asinado o 4 de decembro de 2017

SEGUNDO

O convenio de colaboración de referencia establece na cláusula "Sétima. Forma de xustificación" como data límite de presentación da primeira xustificación do convenio o 1 de outubro de 2020. Na citada cláusula indicase que para a primeira xustificación o Concello deberá presentar a conta xustificativa dos gastos realizados na execución do proxecto por unha cantidade mínima de 2.101.200€ (importe correspondente ao primeiro anticipo do Ministerio + o 10% da contribución total do concello) e que se precisa a conformidade do Ministerio á xustificación do primeiro libramento presentado polo Concello.

TERCEIRO

No Boletín Oficial do Estado (BOE) Nº 302 de 17 de decembro de 2019 publicouse a Addenda ao Convenio entre o Ministerio de Economía, Industria e Competitividade (actual Ministerio de Ciencia e Innovación) e o Concello de Santiago de Compostela, en virtude do cal se modificou o período para a realización do segundo libramento FEDER,

trala correspondente xustificación do primer libramento FEDER máis o 10% da aportación do Concello, que deberá realizarse entre o 1 de xaneiro e o 4 de decembro de 2020.

CUARTO

O 14 de marzo de 2020 publicouse e entrou en vigor o RD 463/2020, que declarou o estado de alarma para a xestión da situación de crise sanitaria provocada polo COVID-19. Na súa disposición adicional terceira indícase a suspensión dos prazos administrativos mentres estea en vigor, circunstancia que se mantén ata o 1 de xuño de 2020.

QUINTO

O artigo 54 do Real Decreto lei 11/2020, do 31 de marzo, establece que podrán ampliarse os prazos de execución e xustificación establecidos nos procedementos para concesión de subvencións e axudas públicas previstas no artigo 22.1 da Lei 38/2003, do 17 de novembro, Xeral de Subvención e, para iso, se habilita o órgano concedente para modificar as resolucións que conceden axudas que xa fora concedida no momento da entrada en vigor do real decreto 463/2020, do 14 de marzo.

SEXTO

O 5 de xuño de 2020, o Ministerio de Ciencia e Innovación notifica mediante Resolución da Secretaria Xeral de Innovación a ampliación dos prazos de execución dos convenios FID no período que estivo en vigor a mencionada disposición adicional terceira.

SÉTIMO

Con data 30 de setembro de 2020, o Concello de Santiago presenta en GAIN escrito expoñendo a necesidade de "adequar os condicionantes das xustificacións de gastos previstas en orixe".

OITAVO



Con relación á duración do convenio asinado entre o Concello e o Ministerio, na acta da reunión da Comisión de Seguimento do citado convenio celebrada o 19 de novembro de 2019, indícase que "En aplicación de la Ley 40/2015, de Régimen Jurídico del Sector Público, desde el MICIU se indica que la entrada en vigor del convenio se corresponde con su publicación en el BOE y no con la fecha de la firma del mismo. De esta forma, manteniendo igualmente la duración de cuatro años del convenio, la nueva fecha de finalización del mismo será el 14 de septiembre de 2022".

Por todo o que antecede as partes asinantes ACORDAN subscribir a seguinte addenda ao citado convenio de colaboración de acordo coas seguintes

CLÁUSULAS

PRIMEIRA

Modifícase a cláusula Terceira do convenio que queda redactada da seguinte forma:

"TERCEIRA. Orzamento, financiamento e condicións económicas.

- O gasto total das actuacións a desenvolver polo Concello de Santiago no marco deste convenio, de acordo coa memoria e orzamento do **anexo I**, ascende a 6.180.000 €.


Para o desenvolvemento do proxecto, GAIN achegará ao Concello de Santiago o importe máximo de 618.000 €, con cargo á aplicación orzamentaria **09.A3.561A.760.0** Cod. Prox 2016-6 dos orzamentos da Comunidade Autónoma de Galicia para os anos 2019, 2020, 2021 e 2022, a través dos mecanismos previstos no ordenamento xurídico, que inclúen o cumprimento por parte do Concello de Santiago dos requisitos legais para ser beneficiario.

Aplicación orzamentaria: 09.A3.561A.760.0					TOTAL
Cod. Prox 2016-6					
	2019	2020	2021	2022	
Orzamento total elixible (A)	116.127,63	621.635,79	4.262.710,65€	1.179.525,92€	6.180.000 €
Axuda GAIN (B)	100.000 €	210.000 €	188.000 €	120.000 €	618.000 €
Diferencia Financiamento (A-B)	16.127,63€	411.635,79€	4.074.710,65€	1.059.525,92€	5.562.000 €

Conforme ao artigo 21.2 do Decreto 11/2009, do 8 de xaneiro, polo que se aproba o regulamento da Lei de Subvencións de Galicia, queda por conta do Concello de Santiago a diferenza do financiamento necesario para a total execución da actividade subvencionada, debendo ser reintegrado en tal caso o financiamento de GAIN unicamente polo importe que superase o custo total da actividade. Tendo en conta que as actividades están cofinanciadas nun 80% con fondos FEDER xestionados polo Ministerio de Ciencia e Innovación, no caso de reintegro realizárase seguindo a seguinte proporción: por cada 8 euros devoltos ao Ministerio de Ciencia e Innovación, o Concello de Santiago reintegrará 1 euro a GAIN.

O Concello de Santiago na execución deste proxecto someterase ao disposto na Lei 9/2017, do 8 de novembro, de Contratos do Sector Público.

A subcontratación das actividades subvencionadas regularase polo disposto nos artigos 27 da Lei 9/2007, do 13 de xuño, de subvencións de Galicia, e 43 do Decreto 11/2009, do 8 de xaneiro, polo que se aproba o regulamento do citado texto legal, respectando para o efecto o establecido no artigo 27.3 da citada Lei 9/2007, que establece que cando a actividade concertada con terceiros exceda do 20% do importe da subvención



e o devandito importe sexa superior a 60.000 €, a subcontratación estará sometida ao cumprimento dos seguintes requisitos:

- Que o contrato se subscriba por escrito.
- Que a súa subscrición a autorice previamente a entidade concedente da subvención por escrito.

Para os efectos do establecido no artigo 27 da Lei 9/2007, do 13 de xuño, de subvencións de Galicia, o custo total das subcontratacións poderá acadar o 100% do custo total das actividades subvencionadas.

De acordo co establecido no artigo 29.3 da Lei 9/2007 (na redacción dada ao mesmo pola disposición final segunda da Lei 2/2013, do 27 de febreiro, de orzamentos xerais da Comunidade Autónoma de Galicia para o ano 2013), cando o importe do gasto subvencionable iguale ou supere as contías establecidas na Lei de Contratos do Sector Público para o contrato menor, deberán achegarse un mínimo de 3 ofertas de diferentes provedores, con carácter previo á contratación do compromiso para a prestación do servizo ou a entrega do ben, agás que polas súas especiais características dos gastos non existan no mercado suficiente número de entidades que os presten ou subministren. Estas excepcións deberán xustificarse. A elección entre as ofertas presentadas realizárase de conformidade con criterios de eficiencia e economía, e achegárase unha memoria xustificativa cando a elección non recaia na proposta económica máis vantaxosa. Non obstante, tendo en conta que o Concello de Santiago reúne os requisitos previstos na Lei 9/2017, de 8 de novembro, de contratos do sector público para ter a consideración de poder adxudicador deberá someterse á disciplina de contratación pública nos termos previstos no devandito texto legal.

Procederase á revogación das subvencións, así como ao reintegro total ou parcial das cantidades percibidas e a esixencia de xuros de demora nos casos e termos previstos nos artigos 32 a 40 (capítulos I e II do Título II) da Lei 9/2007."

SEGUNDA

Modifícase a cláusula Cuarta do convenio que queda redactada da seguinte forma:

“CUARTA. Gastos subvencionables

De acordo co previsto no artigo 29 da Lei 9/2007, do 13 de xuño, de subvencións de Galicia, considéranse subvencionables os gastos que, sen admitir dúbida, respondan á natureza da actividade subvencionada e que se realicen no período comprendido entre a data de sinatura do devandito convenio entre o Concello de Santiago e o Ministerio e a súa data de remate (14/09/2022). En ningún caso o custo subvencionable poderá ser superior ao valor de mercado.

Ao abeiro do presente convenio considéranse actuacións subvencionables os investimentos e gastos realizados polo Concello de Santiago asociados aos conceptos que se detallan no **Anexo I**.

Dada a complexidade das actividades do convenio e a dimensión e carácter estimativo da distribución do seu orzamento, as modificacións entre os diferentes conceptos de gasto recollidos no orzamento previsto que non superen o 30% e conten coa autorización previa do Ministerio poderán realizarse sen autorización previa de GAIN. Para as modificacións que superen o 30%, á petición do Concello de Santiago e previo informe favorable da comisión de seguimento prevista na cláusula novena, GAIN poderá autorizar esas variacións, sempre e cando conten coa autorización previa do Ministerio e non supoñan un incremento da subvención establecida nin modifiquen os importes e condicións de xustificación recollidos no presente convenio.

En ningún caso se considerarán gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda. O imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención do IVE.”



TERCEIRA

Modifícase a cláusula Sexta do convenio que queda redactada da seguinte forma:

"SEXTA. Condicións de pagamento

Co fin de garantir a execución do proxecto, os pagamentos da axuda de GAIN realizaranse do modo seguinte:

- Un primeiro anticipo por importe de 100.000 € en 2019, tras a firma do presente convenio.
- Un segundo pagamento anticipado de gasto, por importe máximo de 210.000€. Este pagamento realizarase trala comprobación do cumprimento dos requisitos establecidos na cláusula Sétima para a primeira xustificación con data límite de presentación do 1/12/2020.
- Un terceiro pagamento anticipado de gasto, por importe máximo de 188.000€. Este pagamento realizarase trala comprobación do cumprimento dos requisitos establecidos na cláusula Sétima para a segunda xustificación con data límite de presentación do 1/12/2021.
- Un cuarto e último pagamento anticipado de gasto, por importe máximo de 120.000€. Este pagamento realizarase trala comprobación do cumprimento dos requisitos establecidos na cláusula Sétima para a terceira xustificación con data límite de presentación do 1/6/2022

A realización dos citados pagamentos está exenta da constitución de garantías por parte do Concello de Santiago de acordo co artigo 65.4.c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A concesión dos pagamentos quedará condicionada ao cumprimento, por parte do beneficiario, dos requisitos establecidos no artigo 31 da Lei 9/2007."

CUARTA


Modifícase a cláusula Sétima do convenio que queda redactada da seguinte forma:

"SÉTIMA. Forma de xustificación

O Concello de Santiago xustificará ante GAIN a realización das actuacións e gastos que aparecen no **Anexo I** a este convenio, por un importe de 6.180.000 € e da forma sinalada:

	Data límite presentación xustificación	Descrición	Período realización de pagamentos
1ª xustificación	1/12/2020	O Concello deberá presentar conta xustificativa conforme ao disposto nos artigos 8 e 10 do Decreto 193/2011, de 6 de outubro, polo que se regulan especialidades nas subvencións ás entidades locais galegas dos gastos realizados na execución do proxecto. Un mínimo de 100.000€ deben corresponder a pagamentos realizados no exercicio 2019. Se o Concello non xustifica esta cantidade na súa totalidade, a diferenza detraerase do importe previsto no segundo pagamento.	Dende sinatura convenio co Ministerio ata 1/12/2020
2ª xustificación	01/12/2021	O Concello de Santiago deberá presentar conta xustificativa conforme	Dende sinatura convenio co

		ao disposto nos artigos 8 e 10 do citado Decreto 193/2011, de 6 de outubro., do gasto executado excluindo os importes xa xustificadas. Un mínimo de 210.000€ deben corresponder a gastos executados e pagados no exercicio 2020. Se o Concello non xustifica esta cantidade na súa totalidade, a diferenza detraerase do importe previsto no terceiro pagamento.	Ministerio ata 01/12/2021
3ª xustificación	01/6/2022	O Concello de Santiago deberá presentar conta xustificativa conforme ao disposto nos artigos 8 e 10 do citado Decreto 193/2011, de 6 de outubro, excluindo os importes xa xustificadas. Un mínimo de 188.000€ deben corresponder a gastos executados e pagados no exercicio 2021. Se o Concello non xustifica esta cantidade na súa totalidade, a diferenza detraerase do importe previsto no cuarto pagamento.	Dende sinatura convenio co Ministerio ata 01/06/2022
4ª xustificación	01/12/2022	O Concello de Santiago deberá presentar conta xustificativa conforme ao disposto nos artigos 8 e 10 do citado Decreto 193/2011, de 6 de outubro, do gasto total executado	Dende sinatura do convenio ata 14/09/2022




		(gasto non xustificado previamente e os importes das tres primeiras xustificacións). Un mínimo de 120.000€ deben corresponder a gastos executados e pagados no exercicio 2022.	
5ª xustificación Final	31/12/2023.	O Concello deberá presentar a conformidade do Ministerio á xustificación final presentada polo mesmo.	

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, GAIN a requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente. A falta de presentación da xustificación nos prazos establecidos neste artigo comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A xustificación dos gastos e pagamentos realizados na execución do proxecto realizarase mediante a presentación polo Concello de Santiago da seguinte documentación:

- Conta xustificativa conforme ao disposto nos artigos 8 e 10 do Decreto 193/2011, de 6 de outubro, polo que se regulan especialidades nas subvencións ás entidades locais galegas



- Memoria técnica xustificativa de cumprimento das condicións establecidas no convenio, con indicación das actividades realizadas e dos resultados obtidos.
- Declaración de non ter solicitado nin concedido outras axudas para a mesma finalidade.

GAIN resérvase o dereito de solicitar toda a documentación que considere precisa en relación coa xustificación do cumprimento do obxecto do convenio.”


E en proba de conformidade, asinan a presente addenda, en duplicado exemplar, no lugar e data indicado na cabeceira do presente documento.

Pola Axencia Galega de Innovación



Francisco José Conde López

Polo Concello de Santiago



Xosé A. Sánchez Bugallo